

MINISTARSTVO UNUTRAŠNJIH POSLOVA KANTONA SARAJEVO, ulica La Benevolencije broj 16, Sarajevo, kojeg zastupa ministar Admir Katica (u daljem tekstu: Kupac) i

“SWORD SECURITY” d.o.o. Sarajevo, ulica Alipašina br. 83, Sarajevo, kojeg zastupa generalni direktor Asim Younis, (u daljem tekstu: Prodavac)

zaključili su:

**UGOVOR
O NABAVCI OPREME ZA UNUTRAŠNJI VIDEO NADZOR NA
LOKACIJAMA ZA IZDAVANJE LIČNIH DOKUMENATA ZA POTREBE
UPRAVE ADMINISTRACIJE MINISTARSTVA UNUTRAŠNJIH
POSLOVA KANTONA SARAJEVO**

Član 1.

Predmet ugovora je javna nabavka opreme sa uslugom instalacije opreme i obuka kadra za korištenje, za unutrašnji video nadzor na lokacijama za izdavanje ličnih dokumenata za potrebe Uprave administracije Ministarstva unutrašnjih poslova Kantona Sarajevo, nakon provedenog otvorenog postupka, a prema objavljenom Obavještenju o nabavci broj 1364-1-1-49-3-43/18 od 16.11.2018. godine na osnovu Odluke o izboru ponuđača broj 01-14-4-7345/18 od 22.03.2019. godine.

Član 2.

Ugovorne strane su se sporazumjele da kupoprodaja iz člana 1. ugovora obuhvata sve elemente navedene u ponudi broj 7699/P-12/18 od 05.12.2018. godine koja je sastavni dio ugovora, a na osnovu koje je, zajedno sa elementima iz tenderske dokumentacije, i sačinjen ovaj ugovor.

Vrijednost nabavke iz člana 1. ugovora, sa uključenim PDV-om i svim ostalim pripadajućim troškovima iznosi 72.982,26 KM (sedamdesetdvijehiljaddevetstotinaosamdesetdvije i 26/100 KM).

Član 3.

Prodavac se obavezuje da će opremu sa uslugom instalacije i obukom kadra za korištenje iste iz člana 1. ovog ugovora isporučiti najkasnije u roku od 60 (šezdeset) dana od dana stupanja na snagu ovog ugovora na adrese Kupca navedene u Obrascu za cijenu ponude.

Sve troškove isporuke do primopredaje kao i troškove reklamacije snosi Prodavac.

Prodavac se obavezuje da će odmah postupiti po eventualnim primjedbama Kupca u pogledu nedostataka na ime izvršene nabavke iz člana 1. i 2. ovog ugovora.

Član 4.

Plaćanje predmeta nabavke iz člana 1. ovog ugovora izvršit će se na način: 50% od vrijednosti ugovora avansno uz obezbjeđenje bezuslovne bankarske garancije i 50% od vrijednosti ugovora u roku 30 dana od dana dostavljanja fakture, dokumentacije izvedenog stanja, izvršene obuke i potpisanog zapisnika o okončanim radovima.

Cijena i ostali elementi ugovora se ne mogu mijenjati.

Član 5.

Ukoliko Kupac ocijeni da Prodavac nije u stanju kontinuirano i kvalitetno izvršavati preuzete obaveze, odnosno ukoliko ponudena oprema nije u skladu sa datom ponudom iz člana 1. ugovora Kupac može jednostrano, bez saglasnosti Prodavca, raskinuti ovaj ugovor.

Član 6.

Rok ipsoruke opreme sa uslugom instalacije opreme i obukom kadra za korištenje iznosi 60 (šezdeset) dana od dana obostranog potpisivanja ugovora.

Kašnjenje u realizaciji ugovora povlači kazne u visini od 1% vrijednosti ugovora za svaku punu sedmicu kašnjenja do urednog ispunjenja, s tim da ukupan iznos ugovorene kazne ne može biti veći od 10% vrijednosti ovog ugovora.

Član 7.

Garantni rok za isporučenu robu je 12 (dvanaest) mjeseci od dana isporuke.

Prodavac je dužan u roku od 10 (deset) dana od dana zaključivanja ugovora, dostaviti garanciju za uredno izvršenje ugovora u obliku bezuslovne bankarske garancije u iznosu od 10% od vrijednosti ugovora, sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovorenih obaveza +30 dana.

Član 8.

Na ostala prava i obaveze ugovornih strana, koja nisu regulisana ovim ugovorom primjeniće se Zakon o obligacionim odnosima.

Član 9.

Eventualno nastale sporove pri realizaciji ovog ugovora, ugovorne strane će riješavati sporazumno, a u slučaju da se ne riješe sporazumno, utvrđuje se nadležnost suda u Sarajevu.

Član 10.

Svaka od ugovornih strana može otkazati ovaj ugovor u pisanoj formi, uz otkazni rok od 15 (petnaest) dana iz razloga utvrđenih Zakonom o obligacionim odnosima.


Član 11.

Ugovor stupa na snagu danom potpisivanja obje ugovorne strane.

Član 12.

Ovaj ugovor je sačinjen u četiri (4) istovjetna primjerka, od kojih po dva (2) zadržava svaka ugovorna strana.

PRODAVAC
"SWORD SECURITY" d.o.o.
Sarajevo
Generalni direktor
Asim Younis



Datum: 10.07.2019.
Broj: 431814-07/19.

KUPAC
MINISTARSTVO UNUTRAŠNJIH POSLOVA
KANZONA SARAJEVO
Ministar
Admir Katica



Datum: 14.06.2019. g.
Broj: 01-14-4-7345 -2

